



Sesida dals

Communitgà ils

Protocol nr.

26 d'avrigl 2016

27 d'avrigl 2016

391

Incumbensa Felix (Haldenstein)

concernent ina strategia cumplessiva per la politica da furmaziun che integrescha
l'economia

Resposta da la regenza

La regenza ha explitgà differentas giadas e renvià en quest connex en spezial en il rapport "Svilup economic en il chantun Grischun" (missiva da la regenza al cussegl grond, carnet nr. 5/2014–2015) al fatg che las pussaivladads e l'effect dal svilup economic en in senn pli stretg èn limitads. Per il svilup economic en in senn cumplessiv èn però d'impurtanza en tut ils secturs politics cundiziuns generalas ch'èn favuraivlas per l'economia. Latiers tutgan natiralmain purschidas da furmaziun attractivas sin tut ils stgalims. Concretamain ha la regenza constatà en ils alineas correspondentes da la missiva (p. 305, p. 309) che

- la strategia da scola auta 2015–2020 fixeschia la purschida da las scolas autas per il sector "formaziun" uschia, ch'ella contribuescha al svilup social ed economic dal chantun, da sias regiuns e da sias interpresas, ch'ella vegn resguardada sin plaun naziunal e ch'ella ademplescha pretensiuns a la qualitat naziunalas ed internaziunalas;
- la strategia da perscrutaziun grischuna per ils onns 2015–2020 vegnia accordada cun la strategia da scola auta correspondententa e la profilaziun sco er ils mecanissem d'allocaziun vegnian fixads per la perscrutaziun.

Realisadas vegnan questas premissas strategicas tenor il rapport "Strategia chantunala da scola auta e da perscrutaziun" dal chantun Grischun, dal qual la regenza ha prendì enconuschienscha il december 2015.¹ Per dumagnar las proximas sfidas economicas furneschon ils differents plauns da furmaziun contribuziuns ch'èn accordads ina cun l'autra, ch'èn specificas per il stgalim e che ston vegnir resguardadas sco craps da mosaic d'in maletg cumplessiv. Ord vista da las interpresas èn impurtantas en quest connex en spezial la furmaziun professiunala e la furmaziun terziara (scolas spezialisadas superiuras, scolas autas spezialisadas).

¹ <https://www.gr.ch/DE/institutionen/verwaltung/ekud/ahb/projekte/HFundForschung/Seiten/default.aspx>

Il fundament da furmaziun vegn però tschentà en la scola populara, nua ch'il plan d'instrucziun 21 vegn a mussar la via en il futur.

Ils champs problematici descrivits en l'incumbenza concretiseschan las sfidas futuras. Il program da la regenza 2017–2020 tegna quint da questa circumstanza. Uschia è la scola auta da tecnica ed economia (SATE) Cuirà gia vegnida admissa a l'accreditaziun autonoma, l'evaluaziun d'in lieu adattà per in center da scola auta è vegnida lantschada, per rinforzar la purschida da scolaziun da la SATE ha la regenza approvà ils studis d'architectura e da fotonics e per sustegnair l'activitad da perscrutaziun cooperescha la SATE cun la Graduate School dal Grischun. Questas mesiras, cumbinadas cun bunas prestaziuns da scolaziun e da perscrutaziun, gidan che la SATE vegn percepida e po sa consolidar sco lieu naziunal da scolaziun e da perscrutaziun.

Per evitar ina concorrenza da stgatsch per scolaras e scolars sin il stgalim secundar Il entaifer il chantun (furmaziun professiunala e scolas medias) ha la regenza fixà per l'admissiun a las scolas medias che la part procentuala da las scolaras e dals scolars tranter la furmaziun professiunala e la furmaziun da scola media na dastgia betg vegnir midada sin donn e cust da l'ina u da l'otra scolaziun. Realisada vegn questa prescripziun cun la procedura d'admissiun a las scolas medias.

Las ponderaziuns strategicas da la regenza han resguardà la diminuziun da las naschientschas entaifer il chantun sco er la concorrenza tranter las differentas instituziuns da furmaziun. En quest connex ston vegnir resguardà ch'il chantun Grischun dovra – en spezial en il sector da la furmaziun terziara – l'immigraziun da studentas e students d'ordaifer il chantun. Las strategias relevantas da la politica da furmaziun che concernan l'economia indigena èn vegnidas prendidas per mauns e vegnan svilupadas vinavant resp. realisadas en il rom dal program da la regenza 2017–2020.

Uschia èn avant maun las basas strategicas essenzialas. La realisaziun sco er l'ulteriur svilup vegnan fatgs er en l'avegnir en enclegientscha cun las instituziuns pertutgadas e cun represchentanzas da l'economia. La regenza è pronta d'acceptar questa incumbenza en il senn da questas explicaziuns.



En num da la regenza

Il president:

Il chancelier:

Dr. Chr. Rathgeb

Dr. C. Riesen